

Motorafgiftimut suliassat, allaffissornikkut, akiliisitsisarnermullu akisussaaffik kommunenut tunniunneqarpat sutigut sumiiffinni iluaqutaasinnaanersut pillugit Inatsisartunut apeqquteqaat aallaavigalugu oqallisissiaq.

(Inatsisartunut ilaasortaq Aqqalu C. Jerimiassen, Atassut)

Akissuteqaat

(Aningaasaqarnermut Nunamullu Namminermt Naalackersuisoq)

Siullermeerinnineq

Aallarniutigalugu Inatsisartunut ilaasortap Aqqalu C. Jerimiassenip, Atassummiit oqaluusersassap matuma qaqqinneranut Naalackersuisut sinnerlugit qujassuteqarfigaara.

Ukiut tamaasa qamutunut motorilinnut akitsuutini 80 mio. kr.-t missaat akiliutigittinneqartarput. Akitsuutit allat assigalugit qamutunut motorilinnut akitsuutit Nunatta Karsianut nakkartinneqartarput.

Ukioq 2000 sioqqullugu kommuninut aalajangersimasumik tapiissutini ”Aqqusinernut, kuuffinnut, allaffissornermut, iliveqarfinnut il.il.” aningaasanik immikkut atugassanik immikkoortitsisoqartarpoq. Aningaasanik immikkut atugassanik immikkoortitsisarneq atorunnaarsinneqarpoq ilaatigut kommunit suliassanut isumagisassaannut pingaarnersiuinissaminnut anner-tunerusumik kiffaanngissuseqalerniassammata. Pissusissamisoorpoq naatsorsuutigissallugu kommunit ilaasa kommuninut allanut sanilliullutik aqqusinerminnik isumaginninnissamut pingaartitsinerusarnerat. Tamanna najukkami oqartussat innuttaasuminnut qanilaartumik pisseuseqarinnissaannut najoqqutassanut naapertuulluarpoq.

Siunnersuuteqartup tikkuarpaa kommunit aningaasaqarnerat tatineqarsimasoq, aammalu taamatut tatisimanninnerup kingunerisaanik sumiiffinni amerlasuuni aqquserngit pitsaasuunissaannut kommunit pingaarnersiuiarnerannut ajornakusoortitsisartoq.

Naalackersuisut isumaqatiginngilaat qamutunut motorilinnut akitsuusiisarnerup kommuninut tunniunneqarnerani kommunit aningaasaqarnerannut nukittuallatsitsissasoq.

Siullermik kommuninut tunniussinermi kommuninut annertussusileriikkamik tapiissutit 80 mio. kr.-t missaanni ikilisinneqassapput. Aappaattut kommunit tallimaasut tamarmik akitsuutinik akiliisitsiniarnermut isumaginnittussamik allaffissornikkut aqqqissuussisariarqarput. Ullumikkut taamatut suliassaq Akileraartarnermut Aqutsisoqarfimmi ukiumut inuit marluk missaannit isumagineqartarpoq. Pingajuattullu assigiinngitsorujussuuvoq kommunini ataasiakkaani biilit qanoq amerlatigisut nalunaarsorneqartarnerisut, taamaattumik kommunit isertitaat assigiinngitsorujussuussapput.

Siunnersuuteqartup kommuninut aningaasanik amerlanerusunik isertitaqartarnek siunnersuummini siunertarisimappagu, taava tamanna kommuninut annertussusileriikkamik tapiissuteqarnek imaluunniit assigisaanut tunngasunik oqallinnermi sammineqartariaqarpoq. Annertussusileriikkamik tapiissuteqartoqassappat taava akileraarutit akitsuutillu amerlanerusut akiliutigitinneqartariaqarput imaluunniit politikikkut amerlanerussuteqarnek aallaavigalugu Naalakkersuisut suliassanik allanik tunulliutsitsinissaat peqqussutigineqartariaqarpoq, taamatullu apeqqutit aningaasanut inatsisissap isumaqatigiinniutigineqarneranni oqaluuserineqarnissaat pitsaanerpaajusarpoq, aamma siunnersuuteqartup nammineq aalajangissavaa taamatut apeqqut qaqinneqassanersoq.

Naggataatigut oqaatigineqassaaq siunnersuut piviusunngortinneqassagaluarpas, taava siunnersuuteqartup akerlerisaa pissaaq, tassalu suliassanik siammartiteriniaannarluni siammartiterineq.

Taamatut oqaaseqarlunga inimi pissanganartumik oqallinnissaq Naalakkersuisut qila-naarimmassuk.